

Oleh Norzamira  
Che Noh  
am@hmetro.com.my

**Klang**

**T**erpaksa tinggal dan tidur berhimpit-himpit tidak ubah seperti dalam kandang lembu atau kerbau.

Itu luahan Menteri Sumber Manusia, V Sivakumar berhubung nasib 526 pekerja asing warga Nepal, Bangladesh dan Myanmar susulan Operasi Bersepadu bersama Jabatan Tenaga Kerja Semenanjung Malaysia (JTKSM) di tiga kilang di daerah ini pagi semalam.

Hasil pemeriksaan mengejut itu mendapati majikan tidak menyediakan kemudahan penginapan yang selesa kepada pekerja masing-masing.

Beliau berkata, menerusi pemeriksaan di tiga kilang berasaskan produk kayu dan getah di sekitar Klang mendapati keadaan tempat penginapan pekerja asing adalah mendukacitakan.

Katanya, pekerja tidak diberi tempat yang sesuai untuk tinggal selain bilik dalam keadaan buruk serta sempit yang mana ada enam katil dalam sebuah bilik.

# Macam kandang **lembu**

## Keadaan tempat tinggal untuk 526 pekerja asing di tiga kilang sekitar Klang



SIVAKUMAR bersama JTK membuat pemeriksaan asrama pekerja warga asing ketika Operasi Bersepadu Akta 466 Port Klang di sebuah kilang di sekitar Aman Perdana, Klang. - Gambar NSTP/FAIZ ANUAR

Jelasnya, pekerja juga tidak diberi tilam dan apabila ditanya mereka memaklum-

kan tidak pernah ada tilam. "Perkara ini perlu diberi perhatian serius termasuk

kepada semua majikan seluruh negara yang mahu menggaji pekerja asing. Me-



*Ini adalah amaran kepada majikan seluruh negara berikutan Malaysia akan membawa masuk ramai pekerja asing untuk keperluan lima sektor yang sudah diumumkan"*

**Sivakumar**

reka perlu memastikan tempat penginapan yang sesuai.

"Hasil pemeriksaan dilakukan mendapati majikan kilang berkenaan melakukan beberapa kesalahan mengikut akta yang dikuatkuasakan oleh JTKSM antaranya Seksyen 24D Akta 446 dan juga kesalahan mengikut Peraturanan 3 dan 4 akta sama.

"Majikan juga melakukan kesalahan mengikut akta dikuatkuasakan oleh JKKP (Ja-

batan Keselamatan dan Kesihatan Pekerjaan) serta tidak mencarum di bawah Pertubuhan Keselamatan Sosial (Perkeso)," katanya.

V Sivakumar berkata, tempat tinggal yang tidak mematuhi syarat, sekali gus akan membahayakan pekerja serta akan menjadi isu besar jika berlaku sesuatu musibah.

"Ini adalah amaran kepada majikan seluruh negara berikutan Malaysia akan membawa masuk ramai pekerja asing untuk keperluan lima sektor yang sudah diumumkan."

"Kami longgarkan perkara itu (kemasukan pekerja asing), tetapi kami perlu pastikan bila mereka datang (ke Malaysia) mereka mempunyai tempat tinggal yang sesuai," katanya.

Turut menyertai operasi adalah Timbalan Menteri Sumber Manusia, Mustapha Sakmud dan Timbalan Ketua Setiausaha (Dasar) KSM A Maniam.